

漢詩

昭和壬申十月一日勅額降賜一週年記念恭賦

祖廟秋闌十月初 前年此日賜宸書

大師立正加威德 金字輝々照佛廬

竹外 要惇 未定稿

八榮詞兄大林閣刊行高祖御遺文講義中分擔遺時抄講義筆述不倦賦之謝勞時昭和七年盛夏故及

圖書堆裏過三伏 筆述朝昏見苦心

字々分明傳祖意 選時抄出萬人欽

辱知 竹外 要惇

恭覽故日布法主大祥忌

巡錫多年莫虛日 老軀偏報祖師恩

仰登佛殿思遺德 蕭瑟秋冷暗淚繁

恭覽故日歸法主小祥忌

時哉宸筆拜恩賜 門下齊歸祖廟風

守塔之功誰不讚 先師遺業德聲隆

寄題雜誌棲神 老納 竹外 道人

棲神誌善淨心身 蘭菊文章香逼人

匹似百蟲啼抱露 金聲玉韻一叢新

言 志 勝 本 半 訥

曾入空門接佛光 人間榮辱兩相忘

三衣一鉢三千界 到處青山是故鄉

昭和七年四月十一日祖山學院教頭辭任書懷似

同人（未定稿） 八 榮

應請祖山羅講筵 匆匆閱盡七星年

春暄儘琢玄兼句 秋夕輒翫台與延

櫻老堂前花月與 鶯溪寮上酒詩權

河梁今日叙離別 諸子加飡路八千